

膠于一偏子其為我賦之若足以折詭辯於莊叟發  
新意於老泉也

秋澗先生大全文集卷第一

秋澗先生大全文集卷第二

五言古詩

拜奠魯文憲王廟二十八韻

丕承固云烈嗣王幼而冲嬉戲翦桐事安知多難衝  
公子居斯時岌岌遵渚鴻外謗流四國內疑叢一躬  
負展令百辟天心昭懿忠思想當假寐際黃亮天地工  
陳誥開治源奠邈營洛宮南服靜海波東征殄元凶  
吐握下白屋憲章沃淵衷罄單一德聖恩兼三王功  
及夫就臣位畏昏何惘惘制作方萬古世道仍汙隆  
至今豐鎬間凜有三代風饗以宮懸樂報之不為豐  
宣父稱大哲寤寐雲從龍垂老無復夢慨焉吾道窮  
丹青見遺像皜皜日在空臣子知所止仰之餘敬恭



膠于一偏子其為我賦之若足以折詭辯於莊叟發  
新意於老泉也

秋澗先生大全文集卷第一

秋澗先生大全文集卷第二

五言古詩

拜奠魯文憲王廟二十八韻

丕承固云烈嗣王幼而冲嬉戲翦桐事安知多難衝  
公子居斯時岌岌遵渚鴻外謗流四國內疑叢一躬  
負展令百辟天心昭懿忠思想當假寐際黃亮天地工  
陳誥開治源奠邈營洛宮南服靜海波東征殄元凶  
吐握下白屋憲章沃淵衷罄單一德聖恩兼三王功  
及夫就臣位畏昏何惻惻制作方萬古世道仍汙隆  
至今豐鎬間凜有三代風饗以宮懸樂報之不為豐  
宣父稱大哲寤寐雲從龍垂老無復夢慨焉吾道窮  
丹青見遺像皜皜日在空臣子知所止仰之餘敬恭



悠悠蒼姬下輔相業不同論思機務地典調簿書叢  
豈其世務棼經權有違從顧惟大臣體一節貴始終  
伊公狼狽間不失體與容凡凡兩赤馬儼立如岱宗  
我嘗集衆美一言蔽其中至公絕貪私靡與天人通  
作詩庶補衮九章一革虫精誠有來格寒雲動龜蒙

拜奠 宣聖林墓

庭訓墮渺茫師授悖嚴誠羗予不惑年行已得夷隘  
今歲客東魯侶為神所介駕言逐秋風得展闕里拜  
遙遙魯甸餘汶水走湍瀨憑軾望雲林鬱鬱佳氣爨  
齊莊趨兩楹奠獻成孤醑歸然三聖封仰止高泰岱  
恨生千年後今夕備掃洒披雲覩天日太極開一晝  
彼蒼詎能言諄諄聖為代三綱與九法範圍無內外

君臣以之定乾坤以之泰東周不可為述作万世賴  
藐矜徇鐸音元化雷雨解敬想燕居容金聲鏘玉佩  
當時七十子授受儼如待鳳兮鳴幾時諸子涕秋籟  
一朱亂紅紫百穀茂稊稗愚者甘下達誕者樂語怪  
韞藏寶康瓠幹葉清廟鼎明倫得不泯而有六經在  
天高孰可階一氣包厚載茲遊固難言嘿契心有會  
胸中九雲夢吞納失蒂芥循循善誘辟師也書之帶  
緬懷伯禽業郁郁文獻取三桓張公室霸功熾而快  
一奢去無復荒陵餘石獬煌煌天乙孫膚敏半冠帶  
德溥慶自修道大世能邁金尼貫元精泗波來遠派  
汪濊一聖海不隨梁木壞歸侍金絲堂攝齊聞馨歎  
恍如到帝所鈞天廣樂備洗我兩耳聰肉味忘一噉



詠歸寫遺音風雅變鄘邶一簞老東家吾知其樂大  
遲遲不忍去寒日下蒼檜

陪總管陳公肇祀商少師比干廟

元化形万彙浩浩無時無云何忠貞氣大畀先生軀  
念昔有殷季天步移獨夫淫酗蕩祀典下民為毒痛  
所崇盡奸回啓遜箕子奴師保乃云爾餘敢編其鬚  
炎炎鹿臺火已兆明珠襦先生豈不知蔓草不可圖  
顧親叔父尊以位仍三孤強諫誠我任剖心不為瘡  
自靖暨殺身要之宗社扶所以宣父筆三仁同一途  
緊公存亡間所係重有殊堂堂柱天手能摯火德烏  
當時戡黎兵所侵良及壽周雖彼蒼眷加翼十亂謨  
天其諫少行終鄙西人居稱師止觀政安取商郊車

一朝嘆云亡宗國隨之墟丹誠皎白日餘烈光八區  
準爾來代臣大節知所趨嗚呼介士嘆万万狂童且  
今來二千載殷周兩榛蕪巍然一丘土高興西山俱  
清霜九月節肇祀陪干禩肅拜列階下精爽動佩裾  
世道有淪喪一忠千萬謏商歌振林樾日下悲風徂

擬韓子秋懷十一首

出郭行時稼秋風正蕤蕤臨川閱逝波浩浩去不已  
富貴來幾時及此行樂耳把酒對西山坐看秋雲起  
天矯化龍蛇異狀紛莫似世態初不殊儻來安可恃  
我懷拔俗標干霄仰逸軌酒酣歌嗚嗚振衣私自喜  
秋風拂庭柯物意自含悴松柏抱貞心表表歲寒地  
長年豈致養易衰匪自恣浩浩一氣中所稟蓋殊異



人尤物之靈要以天爵貴

天運健 息君子戒靡曼讀書下硬塞肌餓充藿飯  
造道若不深紛華非所願秋風動黃鵠千里奚足歎  
風濤北溟鯤變化搏九万大邦易為仁郁郁文獻半  
出處貴有時莫遣夜鶴怨

攬衣起秋早露氣清凌凌偶書秋懷篇悞筆成蒼蠅  
吾言固不佞未免人屢憎聖域有坦途學步高山陵  
尋源有靈槎臨池弄鮪罾我生恐不偶鄙事從多能  
虛室生夜白清露發鷦鷯空庭海月上愛此良久永  
今年苦煩敲似值苛政猛眈眈秋風來汲深持短綆  
庭菊被焚燎脫禍乃差幸朝來有佳色一笑倚軒屏  
露叢低寒花促織泣暮景呼兒曝群書趁此秋日炯

弊帚享千金利途競織梗二者昧所思厥病失坐騁  
既悟前日非敢事子淵請

長夜苦漫漫長空星斗暗商歌南山翁遺佚有餘憾  
祇知享高明曾何恤鬼瞰而我獨於世滋味嚼蠟淡  
畏途足風波汹汹洪水濫濯足尚云可浣纓豈宜暫  
此身矧虛舟敢不慎簡纜天心幸私我書史日與勤  
庶還浩浩天未害家儲甌

殘暑不肯退秋陽麗庭軒靜觀消長理警此歲月奔  
成功嘿嘿去天道何曾言斂衣坐一室書帙散我前  
開卷飲至味忘却盤中食最愛歸去辭雋嚼了一篇  
作者古不少文字浩万千感君固窮節當年亦辛酸  
遙持酒一瓢同醉東籬邊九原不可作念之終歲年



青竹不耐暑索寞衆葉乾白露下天雨洗此青琅玕  
風枝欵餘潤暗滿佳菊團依依南飛鵲逸枝擇所安  
感時賦秋懷古井翻晴瀾我生分已定安用智走丸  
出門安所之呼兒解征鞍  
閉門秋月上靜院圍虫聲幽人掩窓卧一室翻虛明  
四序修以周代謝何其誠物華有盛衰天地從虛盈  
君子順所履持身嚴五兵牛羊旦旦伐山木何以榮  
所慎獨處際心蕩韓盧令  
離離隴上禾望望日攸好不動耘耔功秀實苦不早  
西風卷黃雲收穫走隣保荒田棄足惜握之速其槁  
致役貴厥初無為宋人道

九日和淵明詩韻

九日天氣好淡遊無友生懷哉曠達士愛此佳節名  
野迥秋山高遠目增雙明手把霜菊枝吟泛風葉聲  
人生天地間強矯無百齡歲月不我與大川日東傾  
且酌一尊酒遺彼五鼎榮滿挹風露香陶我醉後情  
遇坎且復止吾器期晚成

今歲節序晚天氣秋夏交衰草伴佳菊藉暖亦後凋  
居閑愛節物不辭遠升高川澄涵鴈影空曠暖微霄  
舉觴酌時人塵空迺爾勞中間百憂集龜卜將日焦  
何如遺世士空杯樂亦陶得酒且歡喜誰能保來朝

寒雀歎

閑庭有遺粒寒雀往還飛眇眇傍無人翔集下踈籬  
一啄復四顧慮為物所闕幽人負暄坐玩之淡忘機



一笑拂衣起群鷺向空歸因之感吾生分外非所期  
富貴倘僥倖何殊爲鷺疑吾儕以義榮先賢有良規  
觀葬者有感走筆爲賦

西鄰送喪車前後餘百人少壯亦歔歎老大尤悲辛  
殯歸焄蒿里奄忽隨沙塵逝者長悠上魄散還蒼旻  
存者但追悼簾簾時空陳人生天地間變化朝菌新  
冥上夜臺下念之傷心神大限百歲止憂喜還相因  
況且不滿百忍使憂纏身青春不再至歲月波注輪  
有釀不來飲負此頭上巾

自喻

吾性懶且拙置書未嘗觀興來一披讀暫涉意已闌  
因傷中道畫勉力鞭使前奈彼物外誘既往輒復還

年來天與幸繆當函丈間朝昏迫童課未免親書編  
開緘三嘆息知學今十年雖傳失自習所得亦已偏  
正如乘跛馬十步九躓顛引領望聖域尺綆汲大泉  
有時尋墜緒意會亦愜然務敏脩乃來自棄誠可憐  
譬彼執銚鑄緩治榛蕪田縱弗曰畝熟猶愈埋荒烟  
進進久不輟功豈止百屢九原雖不復聖道具蹄筌  
堯舜等人耳悉自學至焉從茲自發藥浩浩還吾天  
改葬冥漢君

買樹植中唐下鍾得髑骨生世何爲者何年此埋沒  
周身瓦作棺上有劫灰覆黃泥滿髑髏麥枕餘故物  
神奇到腐朽貴賤辨無復惻然戒僮僕撥拾百骸足  
徹我床上簣包裹葬城隩奠酒一杯祭遣汝一盂餼



同區三十年今始改兆卜死者謂有知夢寐不一囑  
幽沉起有時掩骼適春燠豈復識此為庶慰我心曲  
不無攬蓬嘆何必桃菊被免汝踐辱羞我豈徵冥福  
長眠一抔土野祭霑賸馥莫羨麒麟塚發掘為珠犢  
自買身後禍安用高突兀去也冥漢君九原春草綠

青上兩桐樹示兒子阿孺

青上兩桐樹乞自幽人居植我庭階下護養嬰孩如  
汲水時一溉要令地脉濡起架障炎曦挿籬周四隅  
眄柯日怡顏手把種樹書及夫始華月春芽茁蒼珠  
朝來秀色發衆葉卷且舒終朝三摩挲愛此青玉株  
亭上尺影翠蓋遮門廬嗟爾琴瑟材中與霜籟俱  
達哉蔡中郎救爾煨燼餘我望十年後直幹凌碧虛

秋聲泛韶護雲表來鷓鴣且天生万物因材而篤諸  
栽者厚其生傾者不尔扶譬彼青衿子致養在厥初  
必擴心與志毋適尺寸膚然有才不才學焉因爾殊  
緬懷孟軻訓書以示阿奴

鹿喻

我本麋鹿性出處安自知金鑣非所慕志在長林烟  
得遠機穿地食苹飲清泉呦鳴錫同類甘以辟華軒  
野兕出其側暗蹂山前田農家向所害乃知獸之愆  
彼兕以計去嘉禾歲芊上野人居山中數畝事墾鄙  
慮為町疇場指鹿乃兕屬雖無獨刃心見之惡且逐  
鹿心素無機淡與標枝閑遁跡入幽谷擇音遠人寰  
尚為山中人置疑齒頰間



送宋大使漢臣之任延安

四海王翰林高情比雲月一甌密雲籠過門誰復歎  
宋君平生交矯上峻風節况經患難間邂逅叙闊契  
每來倒屣迎所請無不說賦詩近盈軸沽酒慰久客  
都門冠蓋揚聲華愈昭晰我初識君面論文心莫逆  
相看自淇水燕地最多日吟鞍賞春華茶鐺煮晴雪  
劇談挾銳槩洞達失堅壁茲焉一載強相從復相覓  
喜聞得新除腰金出省闈烏臺退食歸入戶履齒折  
朝來高軒過打門欣告別情親近中年何啻數日惡  
天涯西淪落歲暮悲風發人生幾河梁底物慰愁結  
觴君病不能贈言素所拙君侯天下士抱負經世業  
鞭笞致錢流論吐寃時廢吾子兩餘裕他人雙落寞

黃鵠志千里秋天擬橫絕誰能雜鳧鴈羣飛爭飢啄  
茲行固非僚歸愈垂空素儘新僮僕敬大慰妻子色  
延安西北秦地與羗渾接王民六十載厥賦尚寡弱  
保障慮不遑徵收肯駮削綠樹空野烟山澤入籠絡  
秦風興隴月慘悴自茲作邊氓靖為重聚歛聖所作  
臨淵得河潤當念遠井渴得書下下考吾子亦云樂  
我詩春秋法責備賢與哲此心能不爽蓬華乃麟閣  
不煩雙鯉魚時遣慰離索

溪田暮歸

疎林煙火微草露濕芒屨遲歸路長清月掛林杪  
依依南飛鵲幾回驚且繞一枝幸得安誰復睇雲表  
田家固作苦遺安子孫寶彭澤百日令解紱徑歸老



我心默有契縻爵豈有好違已病交攻飢凍止枯槁  
躬耕南澗垂浩歌樂樂考

散步清溪湄

散步清溪湄林殫憶鮮食沙頭有漁梁呼童樂閑逸  
波清滿遊鯨鬚鬣分纖悉雖微知所避矧之不可得  
悠然逐風漪相忘萍藻密達人濠上樂政自觀其適  
人生風埃中與爾何差別區區一已私奔走抵溟極  
萬事恐偶然胡為較得失舉網出深淵高樹掛冥色  
長笑歸去來吾道無固必

讀林和靖詩集

枯梢振驚颺茅齋寒日短幽懷久不樂訪友橋南館  
探囊得逋集塵臆欣一浣賡歌竟遺編佳處時再歎

先生玄豹姿清風滿朝簪仿佛詩骨清雲嶺松雪偃  
湖光與山綠几席供竒產呼吸貯肝脾元氣筆下綰  
逸情薄雲月幽律發葭管靜觀周物靈遠覽豁襟散  
清遺郊島寒淡入陶韋坦孤山富梅竹香動春江暖  
篇中幾致意似慰平生眼客來佳話餘橫琴浮茗椀  
是中有真趣風味亦不淺廬洛與寺閭意適欲忘返  
長空渺孤鶴容與歸舟晚如斯六十春笑傲一何衍  
相去羲皇間不到牛鳴遠暮歸傍窻眠清興江湖滿  
雋永愜初心有味恭玉版燈花喜共妍一笑成微莞  
人生無百歲胡為日憂懣擾七聲塵中任事同蝸蝻

西溪初泛同王子初訪柔克王公

自此多經  
遺山先

點竄



閑人無所適心向靜境趨今日欣有得快如脫籠拘  
步出郭西門偶與佳友俱含杖棹清溪忘授圮上書  
舟輕風浪平泛若乘流鳧波光灩舡頭雲陰翳平蕪  
畸人驚見之輟耕立河淤白鳥去不遠前飛如導子  
故人喜夜至就舡與相娛呼童下汧流載入酒滿壺  
促膝兩舷間鰕蚶雜肴蔬吟杯斟且停要看傍岸漁  
從下恐忘返欲上意轉徐瞪目看銀刀不知寒日晡  
纖鱗竟莫獲豈謂吾網踈顧此一溝水安比松江鱸  
舟人云不爾近多狡獪徒散毒河伯宮投取地芥如  
卵毀鳳不至禁罟自有餘釣網詎可並况乃詭計圖  
射利一至此世途足崎嶇歸時還一笑兩岸風生蒲

擬古

北山介公壽也公之德澤及物如山之蓄殖焉  
是宜得厥位而享其壽也故作是詩以頌焉  
瞻彼北山維石差差邦民仰止匪丘匪阿既峻而極  
復委而佗元氣中宰所蕃寔多維公之德如山而栽  
瞻彼北泉維漉于垠淵其源浩浩其春澄之弗徹  
撓之莫渾潤餘一方波彼四隣維公之澤如泉之新  
瞻彼北山有松桓桓氣幹千尺盡歲之寒棟樑大厦  
是依是安未皇厥用心怡體胖美蔭所庇物為一天  
匪惟薦蘿有蕭有蘭受德匪報茅菅厚顏維公之壽  
如松之年

北山三章二章二十句一章十六句

過劉元海陵寢



漢統天久絕漢息一何深隔遠魏晉代猶足收民心  
咄嗟呼韓子崛起蒲離陰自云漢堦甥赫怒開寶沈  
左顧龍在野右咤虎嘯林吹嘘炎燼餘五部來謳吟  
阿聰奮餘烈兩京隨掃平竊據二紀強文物有足矜  
我來拜陵寢悚然振冠纓風雲渺何許廢蝶餘金城  
賢哉劉淑妃成此直諫名在聰未為疵假義淵可稱  
孰云仁義師可敵不可征桓桓祁山舉一出三輔驚  
天其假公年載洗六合清此志竟莫遂此邦還有成  
所以廣武嘆痛惜無豪英山烟知客意斜日生荒陵

遊萬固寺

中條鬱蒼蒼首尾固雄大連山一卧虎矯首盡兩戒  
東南万峪門犖确入幽阨空青上絕壁巖業兩崖對

南山開畫嶂高下蔚万楹扶藜到山門黃衣六七輩  
寺殘薄心賞一水良可愛尋源入雲蘿不惜阮屐敗  
掬飲清臆塵坐睨巨石怪山空響佩環林迥騰怒懈  
行聽溪聲回周覽詢勝概當年爽心亭万竹爭映帶  
碧鮮照清泚襟袂濯沆瀣人境兩渺茫佳句儘誇邁  
舊有石剎坡詩云水自竹根流出風從松  
頂飄來座上僂為佳士更無一點塵埃開軒邀客  
飯放目欣一快盤餐固踈糲泉冽幾肉最少焉林風  
振万壑一氣噫前林疑虎嘯作勇助吾德筆落還自  
驚一掃衆峰靛寺僧請書殿山僧喜醉顛海會得珠  
具興來本無心游戲詫佛界夕陽送歸鞍依約虎谿  
外風煙作破墨塔廟失所在鍾英厭摹寫閔伏化機  
藹盤空之硬語技癢苦無賴馬首詩遽成一笑豁吾隘



靜樂堂

人生霄壤間動靜藏妙用一為外物遷舉足非禮動  
惟夫操存人而與天地共紛紜萬變來一一皆折衷  
問之果何因性定心自統心宰物隨化奚俟人指縱  
體安氣靜徐內熱失急悶茲焉須臾離不啻天地寧  
梁君出豪右表上聳儀鳳意氣杯酒間談笑百金重  
一旦刮餘習紛華不復夢省躬日有得守約還自諷  
霜餘波自澄雨退雲知洞復我浩上天多言譏屢中  
客來掩書坐香動玻璃甕融然一室中万象入持控  
知君樂無涯五絃歌雅頌

舜泉

在河中府南三十里夏陽村東歷山聖

人嶺下舜塔內至元壬申冬十二月十  
四日來遊

舍鞍夏陽西蹇裳躡雲頂盤折下瀆溝失身墮幽阱  
孤松突危巔望望雙目炯不圖西芒屨踐迹聖人嶺  
重華不復返欽此孝慕炳降觀臨帝臬冠佩為肅整  
泓澄一勺多浩若淵水迥徜徉不忍去杯飲濯蒂梗  
慨焉念高風滅沒翻倒景野人前致辭此事傳歲永  
有鰥昔在微怒為瞽所屏窮歸此來田號泣痛自省  
空山無所得扶耒子孤影彼蒼彰聖誠喝餒恐成青  
一夕兩崖間二水出俄頃北崖縈帶流南壑湛寒井  
至今山中人飲食了二頃我生千載後懷古心耿耿  
風俗日淪喪道義奚所秉安得天飄手挹此霜露等



千林摧姦枿比屋化封穎滌易臣子心骯骯變骨鯁  
暮歸田舍眠有志安得騁此心恐未能作詩聊自儆  
且當就岩蕨酌水煮殷鼎

跋席懷遠臨終語錄

人當易箒際發言固不善昏矇迷本真狂者涉誕幻  
猗嗟席懷遠洞徹生死變日氣薄西山皦乎天理見  
諄上忠孝言垂戒漢馬援洒然明月懷身後照鄉縣  
賡歌諸賢詩清風一家傳

錄老農語 楊曲道中作

老翁揭溝水駐馬待樹間雙脛怯朝涉欵傾激衝湍  
既濟問老翁荷鋤何所還筋力一何弱甲子今幾焉  
歛手前致辭星紀凡七旋有妻喪已久有子病且殘

舉家無營業止有田一廛禾生迷東西老雨荒草芊  
耘鋤庶有獲聊以卒歲年饘粥乃余事要輸包塲錢  
有身古當復以老聖所安二者不能必聞之鼻為酸  
我食爾所粒作詩告京官

吳大使子明致樂堂

人生有至樂榮貴了不干人子有至養三牲非所先  
宣父語經訓承顏首為難南陔著深戒不獨馨盤餐  
眷戀庭闈心朝夕靡遑安問寢與侍膳樂在融<sub>二</sub>間  
所以極愛敬要罄平生歡吳君出統綺孝純思力殫  
垂頷髮已素娛親衣尚斑天意亦有在一官仕鄉閭  
稱觴歲上壽香火欣團樂此身不願貴有家從苟完  
願親日康寧丰容紫庭蘭毫彩神與相慈顏渥而丹



發光藹萱室嬰香芬珮環壺族化柔懿周南詠幽閑  
高堂敞溫靖題扁存鑑觀致樂無復尚守身老彌堅  
庶幾寸草心少報春輝妍克都三万家清風渺誰攀  
作詩頌匪匱錫類君其端會當崇顯異寵光爛門闌  
三釜我祿餘履霜非謂寒一飽及妻子因君起長嘆  
瀟灑風樹底悲絕仰由冠

遣發僕夫李老櫬歸瘞淇上

至元癸酉後六月十九日死于平陽寓舍

來自東西劔相看二十年因罹兵燼厄重結主奴緣  
薪水嗟初服耕耘遂所天挈身辭戡辱得病便沈綿  
藥餌功無効棺衾禮固慙汝魂應有識歸到水西田

感寓

荆岩產奇寶輝山生五色鳳鳥集其上採者終莫識  
卞生具神眼抱泣天地珍稱喻日百至此璠玕玦珉  
一世竟莫售指下為罄人負之獻楚子致前湏近臣  
豈知事大繆反取按劔嘆復譴或不賞戡辱終其身  
所以苦節士万古潛悲辛

陳村待渡

河行虛壤間隨意東西卧我邊汾水行十日凡兩過  
沮濡變深淵野航驚漏破篙師怯吾衰傳呼細扶拖  
朝來大陳渡細擺得久坐山川隱佳句軒豁矜寡和  
秋風吹馬去行看林葉墮

沁水道中

蒼巔互出縮峪勢曲走蛇回眺驚後擁迎看復橫遮



雲林蕩高秋半嶺翻清霞十里九渡水清流帶寒沙  
山溪本幽寂激之聲乃譁解鞍憇美蔭覺我心靜嘉  
風枝滿秋實野菊被水涯幽馨散蘭馥紅鮮綴丹砂  
二物固鎖碎託興騷人誇我欣記所見信筆書田家  
宿板橋田舍

山村極幽僻坡嶺還四面麋鹿日與伍自餘無所見  
竭來事文石供給半山縣倦枕聽呼號相次過夜半  
過鹿臺山

在澤州沁水縣南二十里時被安西王  
命伐石於此

遠尋文石崗來歷南山纏鹿臺上為山幽徑蟠古篆  
後峪行未盡前嶺已當面秋聲蕩林越風露淒以泫

陰壑氣蕭鬱疑有虎豹變山田苦無多溝塹耕已遍  
柴援結半空羅絡碧岩轉自憐終歲勤獸患防一旦  
我本山中人束帶對郵掾頓然還舊觀瀟洒償夙願  
行經雙蟾嶺石怪驚變現闖首榭樹間氣自太古練  
月中誰推墜因鎖屬山縣乃知北平守認虎飲一作拍  
羽箭物肖本偶然長歌下層岫

觀穫蕎麥

搖搖珊瑚枝浥<sub>七</sub>露光潤霜餘秋寔繁瓏畝欣一瞬  
野人趁時穫拖車施素刃前推約步長偃仆為一順  
風來湯餅香玉粒夢炊甑田間還自笑三載揔山郡  
肥甘與菲薄一飯吾有分坎止與流行何思復何悶

臨汾節婦吟



松筠四時青特與凡木別弱草不自持風霜易摧折  
坤柔變乾剛彤管古所說臨汾孫氏媪寡操抱貞節  
之死誓靡它棲心入霜月事姑極孝養教子承世業  
神明與扶持骨健丹浮頰我觀中壘傳於繁古英烈  
作詩備採官徽名繼前哲

過鹿臺西崦

乙亥八月二十九日偕沁水縣尹李君  
飛卿眎治道馬上作

鹿臺西南麓石路何杈杈青林轉幽深一水中可嘉  
遠從半山來長流石為窪一泓湛寒碧野飲供麋鹿  
濕雲擁絕壁灑爽霑巾紉我忻為緩轡瞻立溪之涯  
恍疑桃花源錦樹蒸紅霞時人指前途兩點蒼山壁

答老農語

風梢怒號寒駕言復西邁吟鞭趁羸驂直走壺口阨  
俯綠絕澗源仰看孤石犬陽崖柏青上陰嶺雪全蓋  
詩脾儘餘清灑氣溢襟帶行行過老農馬首言笑載  
前時使君公治此逮困憊事成固國力規畫良匪懈  
一朝文石去永利予等賴茲焉詎可忘衆意見遺愛  
連章供監司大嚼伸一快既聞老父言慚汗流浹背  
道開非吾功物出數有在况予分當然添足恐成怪  
夕陽澹前峰凝睇飛鳥外是中有佳趣毀譽吾敢介



秋澗先生大全文集卷第二

秋澗先生大全文集卷第三

五言古詩

題玉石蓮花洞道院壁

東山一何高，細路石籠從。  
窅窅從絕澗，底陡上盤峻。  
塚糝糊松間，雪照映列孤。  
若衣飄遠壑，風馬滑陰嶺。  
凍捨鞍，強躋攀，憇定腰膝痛。  
吾非樂險遊，靈跡訪仙洞。  
當年白帽翁，恍惚見醫夢。  
進功力開鑿，怒攫髯鬣動。  
毛麾語怪徒，筆此真可備。  
至今城市人，誕說猶洵乚。  
好奇更過予，一笑為腹捧。  
西山遊欲徧，物產多給用。  
爾焉最不才，任事無可貢。  
濯乚殆赭餘地，冷物寡種。  
我來探是穴，木葉恣填壅。  
青藜試撥觀，陰背一罅孔。  
廣深無丈尺，塘叻呀劔峰。  
回環聚乳坎，歲久垂巨蛹。



秋澗先生大全文集卷第二

秋澗先生大全文集卷第三

五言古詩

題玉石蓮花洞道院壁

東山一何高細路石籠從  
窅從絕澗底陡上盤峻塚  
糝糊松間雪照映列孤岩  
衣飄遠壑風馬滑陰嶺凍  
捨鞍強躋攀憇定腰膝痛  
吾非樂險遊靈跡訪仙洞  
當年白帽翁恍惚見醫夢  
進功力開鑿怒攫髯鬣動  
毛麾語怪徒筆此真可備  
至今城市人誕說猶洵匕  
好奇更過予一笑為腹捧  
西山遊欲徧物產多給用  
爾焉最不才任事無可貢  
濯匕殆赭餘地冷物寡種  
我來探是穴木葉恣填壅  
青藜試撥觀陰背一罅孔  
廣深無丈尺塘叻呀劔峰  
回環聚乳坎歲久垂巨蛹



白猿竟何有流石變擁腫太史載禹穴登覽想森悚  
不經聖人作後世妄增寵况茲何足云遺構託以重  
作詩破群疑擲地驚墜壑道人亦釋然別遠猶目送  
來者倘志同三復賈餘勇

御驃出廐圖

何人拂絹素寫此房駟精一馬老伏櫪志在千里行  
二馬騁躡齒角壯猶龍騰一馬方輓塵海岸翻鯤鯨  
畫師慘澹意落筆矜多能我觀寓所感國制貴有經  
唐人重馬政分七列郊囿當時百万匹肅上羅天兵  
東封與西蕩歲用不可勝嗣王獵其餘尚足開中興  
乃知三軍本匪馬將奚憑聖經說備預方古為世程  
倉卒事亦辦未免衆目驚我思立仗間振鬣伸長鳴

吾言固蒞堯聖經其可輕

題呂充隱和陶詩卷後

呂字明復武陟人金亡居襄陽尋渡江  
居鄂

昔從顓軒遊嘉話半耆耄每及充隱君稱道弗容口  
自憐野逸姿佳遊乃師友聞風即欣慕高興渺林藪  
况吟平生篇開卷粲瓊玖君詩江西來一旦落吾手  
正襟三復餘酣飲得重耐外枯舍至腴霜落溪水瀏  
嚮來和陶作雲夢吞八九金鑪出大音何俟寸筵扣  
吾愛先生心吾尚隱君守當時淮西後臨事見不偶  
吾策君可屈此身孰得有先生歌鳳徒簪紱胡可誘  
高情薄雲月流詠見不朽九原倘可作清江變醇酒



眼中杖屨來礪礪門邊柳與背一壺遊秋毫峴山首  
昆陽懷古

行役宛葉郊路入昆陽城淦水抱城左蕩潏東南傾  
川原入四顧蟠互多崗陵城頽削懸崖草深惡鳴鳴  
嗟爾一杯土當此百万兵莽圖十九年聚此天為阮  
王者况不死千騎驚龍騰漢業非豐沛赤伏此中興  
創復兩不易山川賁雄名東西遙相望盤上西神京  
千年事雲散草木含威靈野人無所知城邊事春耕  
扶犁上廢壘壠畝縱復橫只因懷古士千古愴餘情

為東坡昆陽城賦

苦熱歎四十六韻效昌黎體

祝融駕火蚪頓轡周八裔戰酣西北乾回薄餘暮熾

朱光沸震淵大地蒸一氣蒼茫夜色濕醜鬱玄象醉  
今年六月中荼毒逾往歲金晶才始狀燥怒勢此銳  
炎官張火傘屏翳揚赤熾四合歎陳來一鼓赫離治  
天潢影半涸星鳥芒欲彗吟風樹葉喋塌翻林鳥墜  
併兼坎兌權不使天地閉王城十万家燼灼迫一勢  
乾坤墮熾危逸德駭天吏掩閨人事絕藏伏敢口議  
寒裳起中夜通夕不容寐捫背赭汗流窺井湯泉沸  
松間有困鶴無夢到清唳墻根有腐草螢化光哲哲  
穿簾入我室照眼驚火齊陰蟾遁老魄火鼠騁點智  
夜深過我前跳躑齟飲器屋古又足蝎向螫尤謹避  
簞紋燎炎輝側脅能少憇舉動體煖熱歎歎氣短細  
抱冰眠或可揮翼何所濟二年客京師身幸置散地



雖無束帶勞唯老覺加倍彷徨不知曙種髮沐而被  
四序本平分偏盛誰所致火攻出下策不已燔萬類  
嗟此一世人曷此將何厲此生匪金石流鑠吁可畏  
內熱復自焚衰槁將立至燥惟以靜勝事須以義制  
冰山詎可依煬竈非所媚遐想崑崙峻巔庭觀何偉麗  
巍然五千仞日月光隱蔽回環十二樓空明澹無際  
水晶作柱礎群玉絢軒陛天風掠枕席月露濕環帔  
瑤臺擁灑靈万舞發清吹真仙事朝元鸞鳳互駭翳  
閨風接玄圃追陪憶遊戲何年墮塵緣坐想無由詣  
安得万里風振此垂天翅脫落區中囚高舉尋吾契

聽講呂刑諸篇

至元十六年己卯歲冬十二月十七日

中山府明新堂雪夜會府尹史子華武  
政朱信卿伯諸吏屬聽教官滕仲禮講  
周書呂刑論孟諸篇

淒風布雲葉寒日慘不先集覩微霰轉盼驚毛揚  
一天陽和氣散入中山堂公堂何所有曹務紛刑章  
竟日椎與扑令人足悲傷廉隅是何物僥倖為尋常  
淪胥一至此禮義從消亡涉淵不自濟試以舟楫航  
郡侯樂與善揮撾噪其傍况復得佳士問學波汪洋  
一編周穆書噩乚深慈祥爰念盡心戒披衍何琅玕  
數明發蘊奧遠紹開微茫大羹得至味黍稷非馨香  
狐白有餘燠弊緼非所當衆目鑿聾聵同僚益溫良  
夜久不能寐孰知冰雪雩定武古戰國風俗稱雄強



今夕復何夕弦歌破天荒吏散擁衾卧薄俗思溥臣  
大決洙泗波浩蕩前群盲此事恐難必此志詎能忘  
一州稍安行一方賜無量比老汲一見此外吾何望  
打窗聽雪聲起視夜已央

謝子文龍尾藤策之贈

子文善方伎奸從吾輩遊城居三十年藥惠遍八州  
我適駐棘津數見禮律修循匕似不能氣貌何和柔  
贈我龍尾研加以蒼藤脩杖為扶我衰研用供冥搜  
入手三摩挲白雲滿汀洲意重無所荅在我將何求  
君言愛余書落紙雲煙浮倘蒙數字惠永作千金收  
既聞因語君我老拙所謀有時縱惡札聊用寫殷憂  
如君濟物心胡為效予尤喜抱弊帚歸兩袖紛淋瓌

客去倚窗坐念之思夷猶一作誰期淡癖中亦有同  
好流呼兒一題詩持贈相為酬

贈仲溫教授求授真訣

僕年五十餘氣志覺衰耄耳厭秋蟬號目眩昏花眊  
癡鍾百態具何啻鬢髮皓竭來觀津邑有幸遇醫老  
仰聞浩浩天俗學歸一掃息心抱吾真辨之當在早  
人生堪輿間雖靈貴強矯不然一物耳歲久等枯槁  
况復智物誘內熱日煎擾不聞山木喻樗散元壽考  
守身為最大自餘皆細眇亟當念所存夕惕謹持保  
授我內經旨根命入幽討促膝語三日底裏為傾倒  
會合豈易得相逢恨草草多君濟物誠憐我慕丘禱  
夜闌耿無寐再拜獲至寶作詩代瓊琚相期永為好



泛漳篇 并序

予以王事奔命今春環走二千餘里前  
次漳陰車殆馬煩且得目眩髀痛疾遠  
不能騎舟行東下庶得一日之休富覽  
大川勉卒來事作泛舟篇以見意時至  
元辛巳四月十一日也

盤盤魏大名屬縣行且周銷我髀裏肉四月猶綿裘  
舍車出漳陰步上枋頭舟呶啞理雙棹信舡下中流  
清風泛微瀾篙師訝當頭豈知河伯意故故為遲留  
汀花助行吟孰取澤畔愁解衣卧蓬底穩似畫舫幽  
駭觀兩岸移灣環轉林丘灘回淺能溢波富去自瀟  
拍拍風水聲雨打空階秋白鳥何處來雪點河之洲

前飛如尊子翔集如啁啾欽念川上嘆晝夜何悠  
宣為智者樂曲折涵至柔中擅利物功轉漕半九洲  
君看万斛載掀舞一葉浮仍為勉不息能若茲水不  
行行望沙麓且得一日休呼兒覓殘紙題作漳川遊  
柏亭嘆

至元十八年七月初二日次柏鄉因所  
見而作

鳥巢一枝多回簿万榦林富覽擅已有振羽辟凡禽  
傾身附老鷗翔集千仞岑既切彼所習復接鳴鳳音  
秋空恣搏擊鷲老有弗任勢大不兩立擠彼歸幽沉  
健雛從天來赫々威制臨毒拳奮所宣坼裂顙與矜  
賒官籍其家富埒郭穴金懷璧匹夫罪况此皆漁侵



行植柏亭傳緩轡惻我吟前車滿孥戮後車載瑜琛  
乃知非分福禍養儉人深行路莫為惜但云神理忱  
豺豕與蛇虺吞噬蓋本心天道喜報復自昔非獨今  
戾氣容有已怨讎日相尋一禮制萬動千古聖所欽  
何當民志定無復僭與淫

九門道中

至元十八年十二月六日同察司諸公  
會奠董簽院於南董高里原還過九門  
故城作

朔風暮轉劇曠野埃霾昏長鞭驅羸驂日晏東南奔  
義有執紼役重過孤城闔邑居廢與置代遠不必論  
緬懷武靈舉騎服開尊國聽固自我臣義贊亦博

潛師襲中山萬馬出此門林樓九原塞英氣為一吞  
睥睨五雄間霸業幾桓文至今西林阜隱七猶兵屯  
一朝探雀覈瘦死秋槐根人事靡不初克終乃可云  
野老無所識引宿投荒村吹燈具萍粥士堆藪使溫  
解我寒悴色謝官非所存就枕固不寐一覺東方暎

野河渡

蒼茫劉橋渡南北凡幾過清霜十月交澄湛東流波  
飲馬立水邊照我兩鬢皤行役非所苦傷懷動悲歌  
三年恒山趙彈劾兼拊摩熬七眼中民力弊差與科  
不能一勺潤慰彼煩與痾顧此衣帶水漑載功寔多  
人而反不若低首愧野河素餐吾可逃奈此蒼生何

菊歎沙河縣作



佳菊如幽人疏畦溷凡卉遠叢嘆萎暘與我初不異  
秋香期爛熳培植須早計呼童澆清泉乘曉看生意  
繁根溢芳滋秀色失枯悴一物苟獲養面背見盍睥  
人生胡不然浩浩存夜氣

輓漕篇一作拖舟謠

湯湯汶水波西驚復東注勢雖汗漫來止可流東楚  
發原本清淺才夏即沮洳安能浮重載通漕越齊魯  
有時汎商舶潦漲藉秋雨舡官行有程至此日艱阻  
鉅野到齊東着淺凡幾處必資州縣力澁滯方可度  
漫村趕丁夫所在沸官府先須刮流沙推挽代篙艣  
硬拖泥水行奚異募盪努涉寒痺股腓負重傷皆膺  
咫尺遠千里跬步百舉武茲焉幸得過斷流行復阻

又須集牛車陸遞入前浦中間吏因緣為弊不可數  
蠻梢貪如狼總壓暴於虐盻經輒繹騷不若被掠虜  
盻匕入海口未免風浪鼓舟中一斛粟百姓幾辛苦  
今復起堰埧壅積百萬禦木石動萬計料配困氓伍  
不思根源微隄障深幾許轉漕本便民廣儲寔國補  
事功貴順成勉強終齟齬海道事已然又復有此舉  
惜將生民力委棄若泥土山東寔重地一靜乃可撫  
嘗聞建隆間有相曰趙普凡百投利人罷遣皆不取  
以茲報國思後世比申甫黃閣十餘年清風一萬古

元日示孫阿鞬六十韻

璠璵世重寶就器須磨鑄杞柳固凡木矯揉成栝椽  
人雖物之靈學則全其天蛾子積大埵禮經存至言



多學卓有立孔門稱子淵吾年八九歲入學鄉校間  
外傳既善誘汝曾吾勉旃暮觀子夜後晨讀霜月邊  
日課字三百熟誦例半千十三至十六詩賦填全篇  
十九學蘇門遂親經史筵潛闕義理窟弄筆勢翩  
遺山紫陽翁鹿庵暨神川四老鑄顏手誨我扣函端  
騰口為樊藉孺子有足觀自後雖努力已為家務纏  
隨復就力列一身縛微官道德負初心聰明非日前  
歲月不我與齒豁童其顛猶能致祿位分持憲司權  
出入鶴蓋陰紫袍金帶鮮舉家初不識啼飢與號寒  
政自稽古力汝曾極周旋切誠習刀筆有來戴儒冠  
傳家無長物臨終付青瓊有書五十卷大半親手編  
三世無白屋辛苦天所憐多財祇益愚讀書可希賢

遺訓毋此替我目瞑下泉汝生今十歲小字名阿韃  
貌端娟且靜氣吐清而圓妍皮裹癡骨了不直一錢  
致身文學中不負三輩傳後事實汝責窠雛望飛騫  
四民士為貴六經學之原身安得所師志節先強堅  
憤悻務時敏効習心眼專人十已則百人眠已不眠  
事業一燈苦聲華四方喧唾手取青紫如拾地芥焉  
子孫丐華澤其祚將綿也但見讀書貴但知讀書便  
重則復其家輕則雜泛蠲不見編戶祗差徭日相煎  
里胥徵歛急追呼到推牽汝若學不立非農即商鄧  
更下作奔趣為人執弭鞭尔雖士夫裔所習失之偏  
不學入常流學者來高軒我嘗感時輩貴賤難相攀  
何啻龍與豬過甚霄壤懸子孫轉下愚門戶日凋殘



或祇為士子終身尚高閑向來微歛暴略不相為干  
近多置書家万卷圖好看來者不一讀非負即棄捐  
人果不好學方寸如廢田良苗復何有茆塞深荒煙  
皇七七篇書義利何昭宣堯舜等人耳有為即差肩  
我家徙鄜衛將近二百年素業農與儒宗族頗蟬嫣  
嗚儒善繼述可光新舊仟我老不足法汝曾言不刊  
念茲復在茲敬之若銘盤力學貴穉齒收功良匪難  
幼成若天性習慣如自然所以昌黎公思義戒奪遷  
願汝事斯語佩服如韋弦我文多漫與此詩不可諼

桑虫嘆

行上桑間人執柯爭擊扑樹根擁圓壤持錘待掩覆  
云是振桑虫除治絕遺育拙哉此何為與蠶同出沒

千林綠如雲一掃若湯沃不知絲忽腸其大容幾斛  
春蠶眠正飢蠶上富厥族湯盆出新絲奪自汝口腹  
無衣四海寒十千帛一束老農前致詞近歲旱何酷  
無乃民作孽其或時事促十年餐險食邇來險不復  
嘗云和致祥野成繭與穀皆緣一氣間修省轉菑福  
望上惜雨乾汝等稱濟物駐驂答老農嘿尔私自囑  
調元真宰事吾輩乃碌上低頭愧野人張口待廩粟

靈光塔并序

予自京師南還赤日黃塵走六百餘里及  
登茲觀煩襟倦思頓為一醒因書斐作二  
士一韻以記來曾

我從京師來望上入定武靈光古傑觀截葉上雲雨



何年僧令能建此壯佛宇浮雲衛浩劫神力湧坤土  
經過二十年未暇登陟舉坡仙遺墨在平日思一覩  
初穿若蜃樓轉上疑戰櫓拾級有餘平緩步無陡苦  
最愛洞腹寬豁達儂容與盤折抵絕巔未省吾背倭  
心清聞妙香風烈不知暑迥臨增雙明徒倚慄兩股  
滹池黃一綫太行青可數江山有清眺万象入延佇  
乃知灑爽氣物外自吞吐應怜闍闍人下與塵全件  
斜陽淡高層風鈴時自語靈光久無光雄筆照千古  
摩挲墨花昏瞪視遽如許清風冠高標猶足跨虞褚  
龍象幸護持取重此窳堵窳堵波佛經云高顯也

春榆歎

昨遊封龍迴行上憫農耕午憇得美蔭飲馬常山城

有婦扶筐筥木皮白縱橫柴門臨野碓春治無停聲  
朝飡此皮麵暮煮此菜羹採荒此上食殘喘聊支撐  
話已長嘆息一飽何時盈我因慰田父努力無嘆驚  
皇家澤霂霈蠲盡租與征閱月凡四雨禾苗見青上  
又聞使四出訪問民間情有害思與去有利隨使興  
惟期和氣應應得來休徵寧心待斯須會見秋有成

折齒吟二十四韻

吾年未四旬顛髮白勝雪兩眼眩生花一耳或通塞  
所喜牙齒牢未省有殘缺飲食雖基壽齒壯物猶噉  
庶幾桑榆境健啖延歲月所以哉與餅飢未若刀截  
今晨具盤飡輒肉固纖屑一嚼出不虞左齒拉而折  
群稚慘不嬉病妻驚欲絕汝老不自量無故取摧摺



予云盛則衰百醜見兩頰平生好言辭咀嚼出五色  
文戰怒欲碎醉飲乾甚決運用勤亦至半百當衰恭  
歌作時時以舌舐乍脫覺中熱一落不復生根杖漫枯  
拚駭若中堅摧闕於山口豁自今須慎護作事思安  
帖一柔勝百堅有味老聃說哈呼動耻念顛倒漱水  
怯猶勝昌黎公餘者堅尚潔既不妨歎歌底用心孰  
覘齒墮端午前詩裁重午節成虧恐有數歌以散憂  
結

癸未七月秋分日鎮陽澤宮弘道堂讀韓

子有感

盤上素王宮鬱起金粟背厭喧卧芹堂枯亡心暫在  
岡平勢尚隆雨久晴亦快風清自遠至雲竒推戶外

一編子韓子至味欣一嘖時當八代衰道脉僅如帶  
先生晞聖徒扶舐由我泰詠歸渺聖門簞食乏藜菜  
顧時有汗隆盡我志所逮皇仁義心自任乃尔大  
橫流噓巨防力障俾勿壞排陰入九地孤唱肅万籟  
困吝初不計百折氣益邁要當沒則已不易下惠介  
書雖不盡言後學有足賴真知程子說安石詩自阮  
荀楊公所譏鄙後無接派道心得非深能遽發此慨  
略內詳外言恐就述作概我知踐履功當世仰崧岱  
後來立論者志毋以辭害文平極道腴筆肆走光怪  
私心適有會何翅讀屢再雄名儷景翻浩氣振吾憊  
起拜壁間像顙泚覺雨霈宜乎配神庭血食昭万代

董大夫廟

在元州城北門內有宋元祐間  
縣宰宋保固壁記云縣西南八



十里有廣川店 隋避諱改長河縣今持  
陵縣也

吾觀漢家制所法皆亡 羸中間去取之易苛稍寬平  
何叅不足責本是刀筆生 文景尚黃老申公負虛名  
賢哉董大夫三策冠漢庭 論說天人際高吐三代英  
仁義我所重功利我所輕 紛七弘湯間獨能尊聖經  
所惜王者佐竟老膠西 卿過舊得遺廟再拜冠與纓  
至今讀公書片辭皆世澤 浩浩廣川水 万古朝滄溟  
因之觀其瀾吾道得少行

漢丞相條侯廟

遙七漢舊國落七真將軍 至今有遺廟突兀城西垠  
維景四葉帝思濫椒房親 高帝白馬約侯封乃忠勳  
區七王氏子何功復何人 丞相懲呂禍安劉念先臣

所重社稷計豈憚嬰其鱗 竭忠固臣節返 得快快  
嗔大哉不設 薄責等上尊 庾死何所慊 景皇似非  
君

泥阻小大西門道中七月四日

常山抵鷲靚望七百里近 我行滹水陽秋漲勢終褪  
氣蒸暑肆虐雲駛雨作陳 經塗被遊潦間閑阻前進  
固知路未夷畏此簡書迅 東西大小門咫尺浮圖鎮  
泥淤壤轍深車陷雙輪軻 顛蹶困長耳喧呼空斷鞞  
于役非其時跬步有至違 用拯壯則吉人牛親倩問  
言形半公私物應有違 順禮讓疏慊荒非係風土悒  
侯門仁義存河去安所潤 赴官此花開斯語未盡信  
暮投田家宿何翅夏畸病 苦熱不能眠伏枕聽露蚓



鋤耨詩并序

至元二十年癸未歲七月四日赴任濟南道出藁邑西南鄉觀農人用鋤耨理田時秋霖開霽嘉穀滿野間人喜為賦詩不知何時得與若輩耦而耕也

雙竿駕特牛獨脚雲耳並紛上捲土落一剗草蕃淨是名為鋤耨初不見田令行觀數畝禾草去苗意盛中心覺欣快圖蔓得機柄種多我力寡匪此何由勝一作人定果能勝神農製田鎡耨耜理之正茲焉述後來初出驚智竟荆公重農本一一見歌詠青苗變箕歛大為當世病千年負深譏言不覆所行

牛井哥詩并序

牛井哥詩并序

深州靖安故城牛氏子井哥年方十歲能白翦諸字試之誠然點畫波徹甚有可觀者其父來求詩因走筆賦此七月人生有至性凡事作不難豈問年長少智巧出百端阿井甫毀亂能用金剪刀一字初不識所見禾與蒿字形雖百態裁成思無勞揮膚搯細像棘端刺飛猱往往從効習猶足驚兒曹我因囑乃父宜令筆墨操學焉苟不輟智見為書豪

聞談劉齊王故事并序

七月十三日宿阜城縣廨教諭劉元輔話廢齊祖塋在縣南十二里今謂之御



莊至今石馬在焉明日次元州陳教授  
又說豫未貴時一日顧見一白龍現婦  
翁家大鏡中但無鱗與角耳後乃岳亦  
見以女妻之資藉之力甚厚及生二子  
以鱗角名之或者謂二子長祿當大貴  
後果然

劉公布衣時往仁人鄙棄婦翁識其賢資籍極至意  
龍騰鏡光中第闕鱗角異用補二子名既長志果遂  
八年阜昌齊有命終閏位至今說釜銀託子返為累  
為淵既歐魚齊安得不廢竭來過故城人指金華地  
公昔此讀書葱鬱見佳氣尚看書帶草碧色映階砌  
蕭條縣南墳猶以御莊謂石馬轉無聲山冢久蕪穢

空餘一字詠流播傳後世邦人陳與劉因話談及此

過深州故城有懷韓昌黎解牛元翼圍事

維唐有藩鎮連衡皆盜區汚孽互相濟殆似背脇疽  
心腹訐蠱賊膏血化蟲蛆厲階安史亂王澤不遠敷  
河朔有故事誓作効逆徒堂上裴中令夷蔡恢皇圖  
聊乘破竹勢一制三鎮汚腐敗就與決大赫天王誅  
彼相中妒梗百裴竟無如事機一墮地涵潰終喪軀  
所以賊湊輩血人于牙鬚既戕弘正忠復抗新使符  
靖安門畫鎖長圍困豨羆昌黎解言王略始得舒  
信乎立大事臨機見真儒東征過故城往事秋風徂  
得人國無弱懷古重欵獻文公豈多得元翼何代無

賢哉霍生行

霍宗字守道世商賈二  
子長曰思廉次曰思文



賢哉禹城霍傳家惟水圖一身坐服賈二子使業儒  
虛館致師範謂董宗道也名師舜濟南人捐金買詩書所願士行  
列所願德依於利達非素望爵祿非所覩厥修日有  
來此心得安舒我職宣教責東行式其問二子出拜  
我朴厚中若虛呼前試講說固覺回不愚我因囑乃  
父義利不並居頃首謝使者行將帶經鋤祝阿幾萬  
家從古禮義墟爰自兵革來雖刀衆為趨蕭上枳棘  
間一朝見鵝雛孝弟道甚邇色怡步徐徐聖賢事不  
難經訓即蓄畬二者有餘裕文章自革腴要知特達  
舉張本德與譽切戒作而輟又慎終匪初勤苦天下  
負流芳子孫濡或祇稱善人已為舜之徒讀書不求  
官此語聞大蘇譬如飲不醉陶然歡有餘賢哉霍君

心能與坡意符因之訓二子此詩不可無七月二十三日客禹城作

題洪崖先生卷後

昔夢洪崖仙遺我雪色鹿振衣登長崗超邁翥玄鶴  
山精與木怪後使供走僕至今青城山神爽動林谷  
三郎老溫柔妄意企仙躅西行招隱書空霑岩桂馥  
誰能拍其肩翳鳳事追逐我欣拜遺像及此凡數幅  
仙標入遐想茲畫更清淑掩卷見南山高興渺烟麓

出香竒石

張生貯竒石携來有遐觀一峯華不注墮我几案間  
窳穴作怪供突兀橫蒼顏炷香烟滿竇野燒生春山  
我久汨俗穴對之心暫間瞑坐清興遠夢與孤雲還

洗研示孫阿鞬



書生事筆耕窮年治農圃我貧未是貧四貴會文府  
東坡謂筆墨帝硯文房四貴伊硯供我用小大不恒主磨硯積有  
時敗墨雜垢淤毛錐泊厚漬豪蕩失劍舞墨石不相  
入肝膽幾越楚呼兒濯清泉外難思一行枯蓬發寒  
芒炭柳屏宿汚玄泓連紫臺月露憲天宇炯七鸚眼  
碧婉七修眉嫵歛絲紛霧縠秋色鬱端渚更怜綠玉  
洵金桃啄鸚鵡石中有此理面目開太古不辭襟袖  
黜一一重摩拊朝來試玄圭瑟七響秋雨聽餘思脩  
然揮洒方得所玩之中有感滌念易心慮元來況本  
善物誘失初度賢愚不相遠克復在朝暮昏蒙貴擊  
伐氣志戒墮窳淬礪能日新天理自昭著  
章吾豈為研賦

秋

澗先生大全

卷之三




秋澗先生大全文集卷第四

五言古詩

遊百家巖四十一韻



西紀山陽城行役凡七過  
佇瞻百巖雲屢往屢不果  
亭亭白塔顛望遠幾招我  
今秋若有相老僂脫籠鎖  
二三會心友與遊無不可  
初從万户門迤邐陟層壑  
石林轉幽深到寺氣幾爽  
截雲駛巨屏勢軋坤軸妥  
天闕瞰絕巔黛色潑峻朵  
三纏上杳冥兩袖巧包裹  
谷深餘綫曲石怪欲垂簾  
何年緇衣徒詩境闢飢顆  
或疑巨靈斧擘削乃尔破  
僧殘失珠寶寺圯驚甑墮  
寒猿從何來跳踉不箇近  
人不少怖掇拾落殘菓有  
有草名龍湏纖潔豈容浣  
崖絕不可攀殆似銜竒貨





最憐明月泉流瀉不細瑣玉虹貫山透噴灑螭口拖  
我嘗遊三嵎景氣固雲笥未有此泉勝翁合瑤峪大  
悅疑神物潛供飲結僧課徘徊醒酒臺石老書字娜  
憶當沉酣時万象入眺卧八荒敞庭衢日月螳旋磨  
下視區中人宜為螺與羸復尋淬劔池履巖不辭跋  
澗黑不可渡悵望藉草坐山僧似嗔余空踏苔蘚破  
万榭霜荼丹鍛竈烘熾火有懷中散公村大識或磨  
至人戒其偏康銳不自挫當時朝右姦如會鬼見唾  
吹毛不此施淬礪安用那徒為論養生竟落非命禍  
長歌下山門世累訝許駭寵辱未足驚門閭續吊賀  
吾須人為徒長往非所荷正煩日用間克我偏與頗  
賦詩約重遊備豫木客和

謝王中丞惠柏栽

我家西河阡清陰不多植白楊風蕭々万頁空戛擊  
君家手種柏蒼幹照城壁移栽滿山丘鬱々歲寒質  
丐餘補不足雅意許波及恣取不我貪廣種庶多得  
慇懃教之法水土要相適又云樹平壤根祇雜沙礫  
蒼官雖鬼庭在木躋壽域根蟠泉窟深氣接太行碧  
佗時兩喬林黛色看十尺大招遠遊魂納此衆香國  
百年見諸孫鷗立大陰黑若問物從來渤海王氏出

飼牛辭

我性本疎拙壯年樂郊居况兹二頃田近在城之隅  
兩紀官為家耕牛老無餘秋翻已失計春種烏可虛  
浮陽漲林垆我剛猶荒蕪傾囊買雙犍却杯與壺



齒歲固云穉野牧多形癯角浪黯無光寒氈躁不濡  
服未試墮頭喘息久未蘇田家作雖苦大本誠在渠  
嘗聞老農言力盛出壯軀時<sub>七</sub>過皂鴟付囑飲食<sub>仍</sub>  
早晏日有常瓊屑豆與藟均勻細為和回噍皆至腴  
顧立終所舐對之為嘻吁半生遊宦間代耕竊官租  
雖乏濟物功遇事多直愚聞怯公戰勇不知夏畦諛  
古人發畎<sub>畝</sub>開務荷天衢有莘伊衡相南陽孔明廬  
大賢吾敢望耻作遊說徒吐哉奚戚輩販鬻庸自污  
百里西入秦炊<sub>爨</sub>感妻孥養生五穀皮其志還自如  
越褐不掩<sub>胛</sub>夜半歌鳴<sub>七</sub>應<sub>七</sub>伶南山粲中有尺半魚  
一朝遇霸王立談開遠圖我歌意有在歸來事耕鋤  
水溢<sub>繼</sub>早乾二年儉<sub>併</sub>儲力田漢重科躬耕需壯夫

我老理當佚反與若等俱塗霑固不及風日儘瘁枯  
筋力日衰耗毛髮不滿顛平頭七十數溫飫帛肉<sub>須</sub>  
舉家二百指張口待<sub>爾</sub>舖田間一笑起謀生太<sub>區</sub>  
非閑<sub>効</sub>周人白首悲窮塗庶配<sub>耒</sub>耜經因之補叢書

種蔬

風人憫東周饑饉何荐臻一飢未為窘二事何並云  
當其穀歉時一菜真偏思戒粒倍蔬茹儘足濟餓貧  
我田在溪曲有圃逾一廛十年廢不治草間野井<sub>簪</sub>  
飯糗日兩盂舉按蔬為先顧瞻畫<sub>義</sub>首日食無幾錢  
甘受宣父誚課兒鄙荒烟嘗聞饑不驚示<sub>貶</sub>中書堂  
况我田野人鄙事亦備嘗東家乞蔬子西家學種方  
又土作長塍繚垣為周防劬勞不旬時綠畦變天荒



朝未見生意次第青與黃春韭存夜氣夏葵茁屯芒  
努力辦一飽藉爾為半穰大哉烈山柱濟物心遑上  
草木別真味擴充神祖嗜雨露天地息水土仍君王  
智能創而述功用有至藏皇風眇無及庶物昭回光  
配社德罔極万代詎可忘

錢王和之北還

王郎自燕來不見凡四載拜起寒暄餘命坐至於再  
靡然哀俗中持身敬勝怠出言口不能遇事意何慨  
闡翻譯語詳宛轉刀筆快幾年民部間奔走事多賴  
負責在人先利心非所在所以郎曹官倚用例深愛  
竭來衛南廊治任將北邁為余閑著書論說餘教戒  
探微尋墜緒發源疏九派贈言為至榮在公猶警效

賤名見諸編儘足光四代常觀長厚人往往福未艾  
行矣愿所守揚名此無外芸香霏版藉鴈署雜書袋  
飛翔得所止早夜更匪懈會當長安陌軒翥看冠蓋

汲冢懷古

丁亥歲三月十八日觀稼西疇遂至伍  
城抵安釐王陵下歸作是詩者蓋自江  
左平後竹書多傳於世余夏好竒攻異  
者讀之恐有致遠汨泥之弊故不得不  
辯云

瀟迤伍城郡背水猶陣圖魏陵廢已久磅礴如覆盂  
草樹慘不春穿穴狐狸墟我来登其顛懷古心躊躇  
憶當戰國際安釐亦狂且澤麋被臯比坐為秦人驅



敗亡自此始保邦何乃踈不知身後藏安用書十車  
上窺姒與商下建蒼周書亂竹簡光詭說何紛拏零  
征南辨已詳多出行怪徒稽古不適正死爲毛穎誣  
其中亟當辨阿衡被夷誅孔子修六經亦已防姦汚  
大書一德後堯葬開毫都在易最竒法安取理所無  
茲焉万世程洋上真聖謨何煩事幽願致遠泥所趨  
長歌望陵去樂過風乎雩

壽弟監使仲略

淇澳望鄧鄙迢迢千里途吾弟官其間筠林辨公祖  
十年幾兩見聚散何須更今歲乃天幸同歸在鄉間  
朝昏對無時談笑樂愉上春風露堂飲盤餐雜有蔬  
絲竹厭啾聒却去從歌呼曾及兩耳熱仰空作嗚嗚

張燈更大白要盡壘與壺都將積年懷一洗中無餘  
健倒不知曙醉頭同與扶扣瓶得餘醞忘却公堂趨

時以事  
候府下

兩宵對牀眠百篇詠徐徐靜聽未容再恍陟

西崑墟鬼窟易作計大馬艱爲摹吾弟擅所長愈吟  
辭愈都意圓兼理到韻遠幾風疏宛從尋常中竒倔  
驚專車又如荷盤露細大皆成珠章郎五字吟花樹  
欣遊車今夕復何夕香滿先世廬近復示新作篇上  
商起于玉美韞櫝中得價不待沽倡者凡幾輩賞識  
風雅殊今者重有喜不爲文字娛君今知命年我亦  
耳順踰素髮各滿領不樂復何如况逢初度朝怡上  
與之俱膝下分戲綵朋徒日依於我有一尊酒殷勤  
三禱渠一酌願君壽金石堅不渝再酌官事利百吝



爲一攄三酌日康寧神相千金軀貴富天所與道義  
我所儲居閑未落寞畏涂足崎嶇家理即邦政繫孝  
與友于長歌復一杯此外非吾圖摠詩皆漫與此詩  
吾特書

酬紹開提刑見寄嚴韻

我老不足畏閉門欲誰親按頭有遺經卷舒無時句  
平生未嘗學於焉寃彞倫既非目繫者補拙需以勤  
其或少有得庶浹義和春吾子四科哲勲名逐時新  
迺來亦歛翻淵潛思自珍有時縱諧笑傾倒冠與巾  
豈知寄傲餘落筆搗雄文客來示新作郁<sub>匕</sub>皆御雲

繫訓狐

訓狐本惡鳥飛潛林谷間眇下反為晝聲勢何軒<sub>匕</sub>

矜凶聚妖異其氣幾神姦家僮夜得之縛致庭階前  
目光爛兩炬狂躍倖一騫群兒頽之駭四走入席眠  
我因爲沈思善惡以氣宣古云鷹隼輩不如鳳與鷲  
以茲惻隱心遠彼凶與殘胡為止我屋夜半呼聲乾  
女奴前致辭此物何足患西家養已久逸飛偶翩翩  
內疑始冰釋念之心稍安緬懷昌黎公心炳陽烏丹  
鸞弧親斃之絕類不使蕃揮策碎厥首亦與韓意然  
長今杖端血著此一綫殷比跡孔段笏異世同不刊  
起視夜何其斗插西南天蒸雲變曉黑漠<sub>匕</sub>來輕寒

明農亭

我田僅二頃近在清水涯宦遊苦不巧歸來把鋤犁  
樊湏被聖闢彼士當有為時有利不利一飢胡可醫



士而食其力安分至極宜繫子事農圃三歲慘不怡  
四郊氣隆崇澗芑成悴萎釋耒得窮處日坐詩書癡  
樵蘇甫有積瓶儲復無幾餬口恐不給奚暇卒歲衣  
明農榜新亭此意空規規有懷靖節翁起爲三徑資  
分種抗與秫一稔欣有期豈知事大謬折腰困儉微  
歛裳即宵逝一粒一入頤蕭然環堵間老飢日相持  
九華安足服嚼句克朝飢士貧理雖常念之令人悲  
空餘身後名万古流清輝天運既若尔吾道將安之  
過此或有作殆與天相違

感興詩三首

中丞子初過訪憫及生事述此以見志  
亦古人感遇意云

不製衣日僅兩孟飯得年過期願此亦何足羨  
是非 華軒口 悅芻豢平生未嘗學晚歲似有見  
盈望五秉粟禦此飢凍患閉門了一經庶幾思過半  
到羞澁百計若為辦人生霄壤間所界恐有限  
分外思錙銖有力不容縮傷哉道或難拊掌發浩嘆  
士 不吾知胸次何磊落少當利害間鮮有不顛  
患在無定方多學昧所樂出處况大節未用從人  
開談話艱辛汝豈有求託譬彼飲與食孰不知飢渴  
區上俟渠決肥瘠不相睚在我弗能了彼豈吾可

校讎天祿閣我嘗讀其書碎旨徒

意何有止得寂與寞物來有當行道在吾

面 事所在俗爭取 維抱 見售



耕韞 俟其沽陷 入 中可為

征 又昧出困舉 須利所

有客 語予 固宜俸所論誠足 門

有時且入此室處

苦寒 昌黎體

四年丁亥冬玄冥肅坎治太陰包元陽少

苦無風色惡積雪不在地陰機發新

玄霜佐隆嚴宿 助重曠長空浩乾冷

於虎 甚伯有厲 一氣

粟生膚酸鼻冰 涕 酒

澤水空破裂山石 潛

獸忘群巢 鳥交 倚

熒惑慘不芒崑火澹不熾東皇約祝融縮首避權勢  
天弧弦屢折何有琴瑟輩薄惟透三衾夢凜神不寐  
暖老玉無憑炙手竈可媚問巷稀往來雞犬噤鳴吠  
茫上堪輿間欲道何所逝若將肅殺威一變寬大制  
時當謹蓋藏理合絕掩蔽雖威貴不猛革故不失惠  
明知勢非恒其柰日增劇富人尚云哿貧弱胡為濟  
里門有殍僵穴處反得計我時幸深藏順此天地閉  
無餐又無褐不易卒此歲有客過予談歲律何時易  
九陽消一陰万象回生意予因語過客無庸心過亟  
四序本平分過羞自成盞此雖節氣正未免急恒致  
循環万化轉一刻何嘗滯昨晨履中園芳樹一為睨  
枯枝雜凍條芽孽已萌綴都無十日春迎致勾芒祭



土牛送餘威斗柄插寅位汝宜姑待之能作幾日崇  
我閑亦已久幽屏空懷霽偶書苦寒辭又成韓筆贅  
何當凌景風下折炎洲桂古云玉燭和調燮由獻替  
冥<sub>匕</sub>於兩間侶恐不閑係天運諒自然何俟叟吾喙

怪石辭

嶢<sub>匕</sub>荒谿石濁滓凝太古頑雖一奉小岌立有足觀  
牛神兩顛撐山魁一足柱移來夸娥擔劈截巨靈斧  
蒼雯裂荒寒老峽瞿秋雨千年洪水餘石浪尚掀舞  
又疑秋江蛟蛻骨委幽渚却愁出雷火下取還洞府  
要從五色族軒鼎入練者元精儻不克備豫女媧補  
從渠置散地不第竒章譜

疇昔一首寄胡紫山

戊子十二月廿二夜

疇昔夢紫山燕集街西居又撐尾傘底一笑春帖餘四  
顧盡佳客半是高陽徒紫山正襟坐手把一卷書疾  
讀且稱嘆照眼皆驪珠乃云某近作商也真起予吾  
儕惜無幾烟如曉星踈正湏佳眠食善保千金軀別  
久得一會喜與老嫂俱呼兒具罇酒張燈列肴蔬觴  
予不數行致辭前見掄平頭七十數眉毛雪模糊投  
閑天或憐有書心使娛又云悼亡來不以再娶圖老  
懷固鰥<sub>匕</sub>宿業一掃除殘年累幸輕恐是得壽符叙  
闕夜向深對牀卧斯湏輾轉寤寐間恍然到吾廬春  
明煥庭軒門繫雪色駒倏忽坐壤舍意若傷道污彼  
豈能我免高氣初自如體融合若一樂適歸不殊安  
得自伊始終歲同步趨或乘欵段馬或駕下澤車春



風十二窩醉墨翻瓊琚相看以佚老脫屣榮與枯夜  
寒薄重幃夢清誰遣呼枕邊有鐘鼓鼙七應更壺起  
聽夜何其漏下三更初念茲夢何異自况良可吁紫  
山俯秋澗玉峰映汚渠固知矐其後庶可山澤臞援  
毫記所遇一字不敢渝代書寫離索涸魚聊自濡何  
當拊素箏醉捋桓侯鬚取其使君不凡之意

元日吟

深院咤祭餘黎明紛拜賀齊飲蓋尾杯傳嗅辟瘟韻  
獻歲事多宜晚景福未艾鄉隣最善禱有錢無病害  
兒童樂新年添歲漸壯大老人死生忙應接筋力憊  
元正貴清明其占君子泰多連人日陰野老足吟嘅  
今年天氣晴日色喧可愛相竿絕微風曦馭飛火蓋

墻陰凍全消水陽冰自墮布席坐前簷歌傾餘醉態  
一冬苦凝沍乍暖欣曝晒頽然曲肱眠夢到華胥界  
宿醒與臘嚴融暢無內外放教原壤肆大豁伯夷隘  
温七泰和湯股痺為一差覺來喜不勝嚼有屠門快  
持美欲獻

君癡絕覲露丐

嗟哉傳生行

客從大梁來投刺謂蕙帳再三相之坐氣貌何翫辭  
袖携一卷詩照映青藜杖起立懇予觀詩意見推唱  
傳生南樂人明兩自幼喪聽官奉心君入耳物能狀  
暖然內含光記誦殊通暢我思篤廢人氣志多散放  
苟能泰此軀那記非所養傳生痼而卓出入知所嚮



不學陰陽流甲乙肆虛妄復惡鄭衛哇耻列師瞽行  
六經天浩浩義理無盡藏游心於其間取友千古上  
古人不復見古心胡可忘古心果云何姬孔乃心將  
循夫天理公絕去私慾王神光滿牛背安取内外障  
師傳庶西河爽識或晋曠不吐張籍竒猶可祖珽相  
世人非禮視外蔽内随蕩思屏心過易眼過最難愴  
一根塵幸空内動息孟浪作詩還自笑示勸随彼量  
大匠無棄材長短皆有望文昌藉終譽尺書軍欲張  
豈知我非韓徒增山斗仰

處暑日偶書

丙戌歲七月

長夏便幽居動靜得交養杜門遠炎囂人事息来往  
三年謝簪紱倦鳥脫籠網生涯書滿屋汎覽極遐想

欣然歎有得忘却折俎饗一涼沐新恩允治多峻朗  
殘暑竟餘熾木葉屢清響好颯從西来一雨為滌盪  
氣骨增老健締絡飈餘爽赫然酷吏去而得故人訪  
草木行變衰騷客重悲愴况復迫暮景歲月驚俯仰  
浮生太奔忙壯志非昔曩時至氣自衰心在不忘嚮  
要知配義剛每戒握苗長人生老當佚我老事耕壤  
有田不及蘇開徑謾希蔣一貧非所憂俗事若紛攘  
娛心筆補衮甘分弔居艱茲焉庶有成心體日胖廣  
窮兒即暴富孰羨軒冕儻何煩問大鈞自斷示諸掌  
敲門看竹来一笑豁心賞

秋雨申書懷

秋氣何沉寥寒序變淒淪木葉與時謝芳菊得秋苒



生涯無少營書史有餘覽靜尋古人心  
理亂見忠諫薄田待耕食雖苦猶嚼  
櫬稍豐不外求卒歲飽羹糝既獲飯  
蔬樂又免素餐忝吾儕當壯年頭角  
露新匕一為客氣乘前進率勇敢才  
行有所竟欲止不容憚尚恨才術疎  
而不大其膽隨即事變來長網驚一  
掩天意深有惜不遣入習坎委心聽  
自然致用每縮歛宦巧輸晉衍慙直  
終漢黯世涂伏黃間舉足中機險虛  
名竟何用抵事纏坎壈唯餘讀書心  
連綴若絃統秉德思一心覺衰誠多  
感古人了婚嫁家事斷不攪賢哉靖  
節翁歸卧斜川崦怡然擁敗絮一笑  
慰伶儼多生各有分過慮讓憂貶當  
時曠達懷樂過鼓瑟點因復念涪翁  
亦厭俗累染異世同其流漆板書何  
醜

青山與白雪江湖渺而湛終古無少  
異曾有不足窮年為形役膏火自煎  
歎齒髮況日衰神情豈任晻正須慎  
圭璧不致有容玷惟天有盈虛賦分  
自豐歉天運審如此終老樂貧儉世  
或昧茲理遇塞強鑄鑿我恐傷天和  
作詩時自檢

餞侯敬甫還汴

侯君司竹君調度能纔年半去春持  
停罷公私或云便繼差上官來新舊  
盡交散衣袍到緼弊未免積垢綻支  
持一載強非汝不易辦天姿公戰勇  
奔北獨與殿昨從汴梁來相遇為飲  
譙坐間出片紙喜色睟於面乃云監  
復立將集此微覈財賦至復任斯人  
不多見愀然忽變容不覺當饋嘆操  
刀截鼎肉有味誰為



鳥半生媿茲心而向此中轉若來期半歲整示見閔  
鍵獨潔七賢譏去應一鷲薦脫落小規為追逐接時  
彥擬憑素所懷高舉酌吾顛仍說解由事不了無一  
件俄爾來告別牽率復還汴祝余贈言榮歸代賓朋  
羨歷聞君所談行止渠自判何庸待余言樂處戒久  
戀最哀同寮子臨事本怯懦壯士被蝮螫慷慨有解  
腕懸絙即自經而釋身後患更無拙計人一死循覓  
貫常嗟白面生時務少諳練大概說不差節目多自  
絆未盪瑣屑間居之要無倦君看韓侍中張本府推  
幹行矣夷門侯前途况多援髮壯吾舌在橐罄志魯  
變花樣又時宜何患不光炫

望崧吟 至元丙戌長至日追作廿韻

往歲試洛師憶與節齋約同作崧少游心賞為一豁  
羸駮鞭欲前竟為事所却宛循洛水東馬首眺陰壑  
洪濛元氣湧磊落雷雨惡不有此峻極安得雄四岳  
只緣不得登万象負酌酢諸峯罷六六景氣終慘錯  
披榛入會靈宋雜吟倚廢宮角陳公最健者帥可三  
軍奪空餘墜仙興出世飛墮迷嶺嶸歸尋黑石渡易駟  
指鞏洛行七嘆不勇失此寧復作吾儕貴乘時過慮  
自羈勒至今有餘恨夢繞神崧脚盤空轉危磴矯首  
看飛閣探穴不知畏入室不挽葛茲焉即神清洞戶  
四開閭山人喜余至供具為止泊會凌列宿嶺一笑  
動寥廓

宣城筆



己丑秋八月三十日晨起試宣城筆前  
一夜夢對

御陳事故有人閣侍立之語

江夏無雙公翰墨能事畢平生稱快意揮洒得此筆  
圓如棗心大銳比囊穎直橫馳屈產良細挿蜂脣悉  
鋒柔得字易心勁腕能適赤管纔握餘貶削失掠敵  
策勲婉中山落紙生五色或簪豸冠霜或泚螭首墨  
入閣與贊書侍立

天咫尺雖非山甫儔万一補衮職

賦襄邑蒸豚

尹劉濤字君玉予為部司時  
部提控令史相州人

我行錦襄野田間多收豚不沾攔笠溷不識糟醪渾  
渴飲兔苑溪飽嚙香阜根所以味佳美万有空其群

故人得劉宰紅蒸具盤滄俵淺食不饜臙芳腥未聞  
今日復何日大嚼過屠門他鄉固肥腴性燥空突奔  
有時嘬其肉一筋增餘脣乳烹謝晉豪禁鬻未必尊  
柔毛詫沙苑盛餐厭羶葷未減貨所饋往拜禮合殷  
物產貴得地橘與枳遽分藍田異崑丘而別璫與珉  
人生與物殊善變觀鵬鷗

雙廟懷古

鐵輦動地來獵火燼九縣睢陽東南衝江懷國所援  
蔽遮不使前恢復可立見二公明此機死守誓不變  
雖危所保大如蝮螫解腕最難結衆心存沒匪石轉  
彼蒼界全節誰為落賊便已矣君不忘握爪掌為穿  
竟能濟中興淮海了清奠至今忠烈氣皎々白日貫



賀蘭觀成敗不飲浮屠箭殺亡計多寡此論誠可辨  
我來拜遺像凜對如生面乞靈激懦衷剗決剛同鍊  
朔風吹樹聲尚想登陴戰暮依暈月城悲歌淚如霰

虞姬墓

在靈璧縣東三十里虹縣道南陰陵山北舊有廟在山上今廢

重瞳鮮情人鍾愛獨虞美五年有天下寵幸想無美  
一朝走陰陵楚歌聞四起君王大事去飲訣共歎  
感君伉儷思死不為漢鬼一坵鳳陽東粉黛見石紀  
空餘山頭草終歌葉披靡定應月下魂長繞烏江水

江船二詠

蓬

尺筭編黃蘆節

數湏隻長短隨所宜張弛易為摘

長者二十七節廣二丈餘

一傍繫脚索若網綱摠緝北人布為帆南

俗蓬以荻舟師貪重載高挂借風力順流與颯波巨  
鷗添羽翮望從遠浦來一片雲影亂衝渚煙開重  
帶江雨濕百里不終朝用捨從順適夕陽見晚泊堆  
疊紛褱積水雖物善利其助乃爾益

槽

江船一鉅魚槽拖乃尾鬣當其淵水深棹弱不抹之  
故今施航後前與棹力合濟川具有五此物乃其甲  
一聲天際來欸乃中流發我浮大河東並岸行若狎  
終朝卧舷間蘭漿但空挿緬懷剡木皇智創万古法

舟宿桃源縣

長路風日淒遠征力難勝捨鞍事舟行庶便寢與興  
蓬底坐秋江幔如在鞞鷹有時縱遠目沉若孤槎星



河從西北來勢建東南甓萬艘水上下浩浩無時停  
利名任風波醉着誰復醒間看兩岸移轉眴煙中汀  
晚泊桃源下波光亂漁燈靜卧船舷間拍上風水聲  
舟人話夜潮使君老母驚又云此水樂君其細為聽

劉營田拜慶詩

人生所欲壽有壽貴健安接物心思曠曳履行步艱  
難窠日省定此又何足歎耿濟劉營田字太初事親有餘  
歡母氏壽期頤髮艾顏渥丹步趨不扶杖目視分遐  
觀怡神奚服餌終朝例三餐共云子致樂諒自家有  
閑結禱見壺儀教兒列時官豈惟一門樂化及濟岱  
間德盛福自備百歲到不難朝家重貞靜露思不時  
頌行當見旌崇寵光爛門闌車簾蹙繡額誥錦回翔

鸞肩輿王與陳一旦相追攀茲焉荅春 寸草心能  
單我詩媿彤管要作後代看

食鱸魚

鱸魚昔人貴我因次吳江秋風時已過滿意蓴鱸香  
我非為口腹物異可闕嘗口哆頰重出鱗纖雪爭光  
背華點玳斑或圓或斜方一脊無亂骨食免刺鯁防  
肉膩勝海薊味佳掩河魴燈前不放箸愈啖味愈長  
張翰為爾遊我今赴官忙出處要義在不須論行藏  
倚裝足朝睡且快所欲償夢驚聽吳歌海日方蒼涼

長至日次赤岸驛

扁舟下餘杭遠客逢佳節呼童起四更理棹未明發  
燈前一杯酒持飲聊自悅江行官有程貴重敢中輟



此身得安舒行止聽驅策去冬一陽生露寢樂良夕  
餽茶雖草草初不失家食今年赤岸亭野宿雜亂聒  
鄉閩天一涯雲水幾重隔殘年無定居餬口走閩越  
眷焉不無情念久意為惻兩舷暗浪喧拍拍若嗚咽  
寄聲紫山翁此懷多不別

時任蕪州提刑

### 平望道中

今日風色好舟行喜清和吳江抵嘉興遠不百里過  
解衣坐蓬底閑聽吳儂歌大扁從東來帆檣鬱差莪  
云是淮海公赴召耽微疴倉皇不少住進棹如飛梭  
物情忌太盛從者不得多尚餘蔽川載意氣隘兩河  
有懷陶朱公霸業到不磨功成委之去敝屣與棄蠶  
左顧万金橐右顧西施婆可想不可見五湖渺煙波

### 大安嶺

亂山從閩來勢若万馬騁六丁闢坤闔通道取此嶺  
仰觀已可怖初陟戒太猛乘班事推挽氣鬱頸生癭  
既升頗平夷六折到絕頂最慮泥雨滑沙磴足易整  
俯臨盡黑澗一漫漲雲影侶矜吾年衰不遣見巖景  
一山勢兩殊限隔示外警北登儘坡陀南下峻深井  
牛肩抵風門峽束轉幽迥湍泉激南駛噴薄万壑冷  
人生此兩足停輟不俄頃舉緣聲利牽走險不知挺  
我獨喜壯觀大嚼快雋永好奇與馮生比較略相等  
漢家截海表茲嶺乃內境行人無晝夜閩史初未省  
徒令踈馬足安用障巨屏障投大安傳燈火破窗炯  
吐我胸中奇削此疊嶂梗此事持遊戲夜久凍生穎



控馭稍得宜雖險勢莫逞黎明叫雲去有懷為耿耿  
自淮口抵宿遷值風雨大作

拖舟入清口適喜亂淮碧崔鎮抵宿遷徐行纔半日  
朔風殆驚余不爾何凜慄江雲作陣來凍雨矢四集  
行撐人力微泥爛槽岸側打頭為旅拒遇淺殆鯨吸  
波神鼓餘勇洶七波浪黑勢張互相薄力進硬與敵  
歌傾乃平常簸蕩不少息秋江渺無涯終日困跼躄  
夜眠任倒懸晝坐自撞擊試身一葉舟凌轢蛟蜃窟  
遠道胡為來行止吾豈必相值當耐何安順險能出  
有涂莫舟行此語聞自昔君看坦塗間風浪猶莫測  
處身苟無方往七半乾沒居安貴不忘遇險戒無佚  
所以長樂老進諫及街失行行入呂梁持守要愈惕

呂梁

呂梁世所畏往七舟碎破我來相其衝說乃無乃過  
南洪一石壞北梁更么磨水淺但湍急欲上船旋磨  
更緣暗石多重載防石左舟空人力衆徑往彼無那  
豈云水至柔內極沉溺禍至人特為名過者戒微墮  
舟行四千里冒涉銳盡挫高歌幸無虞猶呼細  
寄聲畏塗間識者當有和